

Nállebeali neutrála náitaleapmi ja vihaheapmi

DIEHTULASTA

Justitiedepartemeanta

Ju 09.01nsa · Golgotmánnu 2010

Vuosttaš miessemánu beaivvi rájjs jagis 2009 leat ođđa njuolggadusat náitalemiide ja heajaide. Olbmo nállebealli ii šat váikkut vejolašvuodaide náitalit. Náittuslágat ja eará láhkačállosat mat gusket náittusbárrii leat šaddan neutrála nállebeliid hárrái ja láhka (1994:1117) registrerejuvvon lihtu birra ii šat gávdno. Dás čilgejuvvo ođđa láhka dása oanehaččat.

Rievdadusat náittuslágas

Guokte olbmo seamma sohkabealis máhttet náitalit seamma eavttuid mielde go guovtti sohkabeali bárat. Njuolggadusat náittuslágas geavahuvvojit seamma láhkái beroškeahhtá das jus bárra lea seamma dahje guovtti sohkabealis.

Easttageahččaleapmi

Ovdal go vihaheapmi oažžu dahkkot galgá dutkat leš go eastagat náitaleapmái. Dát geahččaleapmi dahkko Vearrodoaimmahagas. Guovttis geat áiguba náitalit galgaba oktasaččat bivdit easttageahččaleami Vearrodoaimmahagas.

Easttageahččaleapmi partnerlága mielde mii lea dahkkon ovdal 1 beaivvi miessemánus 2009 doaibmá dan beaivvi rájjs nugo easttageahččaleapmi náitaleapmái.

Vejolašvuolta registreret partnerdili ii leat šat muhto doahpa ain gávdno

Partnerláhka lea heaitán doaibmat cuoŋománu loahpas 2009. Dát buktá mielddis ahte ii leat vejolaš registreret ođđa partnerdili. Partnerdilli mii lea registrerejuvvon bissu goitge partnerdillin dassázii go dat loahpahuvo dahje rievdá náittusdillái (geahča vuollelis makkár vejolašvuolta partnerdilis lea doaibmat nugo náittusdilli).

Registrerejuvvon partnerdili rievdan náittusdillái

Partnerdilli mii lea registrerejuvvon partnerlága mielde doaibma nugo náittusdilli jus bárra oktasaččat almmuhit Vearrodoaimmáhkii ahte háliideaba dan. Partnerdilli doaibmá dego náittusdilli dan beaivvi rájjs go almmuhus lea joavdan Vearrodoaimmaháhkii. Bárra máhhtá, almmuheami sadjái, vihahuvvot náittuslágá 4 kapihtala

jelgii. Dán sierra ortnega mielde ii galgga dahkkot easttageahččaleapmi vihaheami váras. Partnerdilli doaibma nugo vihaheapmi headjabeaivvi rájjs.

Vejolašvuolta rievdamii ii leat ráddjejuvvon vissis áigemearrái.

Vihaheapmi

Vihaheapmi dahkko juobe borgalaš vihaheami bokte dahje vihaheapmi oskkolaš searvegotti siste.

Borgalaš vihaheapmi

Borgalaš vihaheapmi dahkko olbmos guhte lea namuhuvvon dasa leanastivrras. Vihaheaddji namuheapmi galgá leat vissis áigái, jus dat ii leat ráddjejuvvon doallat ovttá namuhuvvon beaivvi. Leanastivrra mearrádusa ahte i namuhit vihaheaddji ii leat vejolaš váidit.

Doaibmi duopmáriin diggirievttis ii leat šat bargun čadahit vihahemiid.

Borgalaš vihaheamis galgá vihaheaddji váldonjuolggádussan sárdnut čuovvuvaččat bárrii. *Doai leahppi cealkán ahte háliideahppi náitalit. Háliidat go don N.N. váldit dán N.N du eamidin/ boadnjin?*

(Vástáduš: De háliidan.)

Háliidat go don N.N váldit dán N.N. du eamidin/ boadnjin?

(Vástáduš: De háliidan.)

De cealkkán dudno duohta náittusbealilažžan.

Jus bárra sierra bivdá máhhtá vihaheaddji dadjat sudnuide dán nai láhkái:

Doai háliideahppi náitalit. Náitaleami vuodđu lea ráhkisvuolta ja oskkolašvuolta. Náitaleami bokte doai lohpideahppi gudnejahtti ja doarjut goabbat guoibmádet. Náittusbárran doai leahppi guokte sierra olbmo geat viežžaba fámu dudno oktavuodas. Go leahppi cealkán náitalit háliidit de mon dudnos jearan: Válddát go don N.N. dán N.N. eamidin/ boadnjin ja ráhkistit su buriid ja baháid čađa?

(Vástáduš: Dan gal dagan.)

Háliidat go don N.N. váldit dán N.N. eamidin/ boadnjin ja ráhkistit su buriid ja baháid čađa?

*(Vástáduš: Dan gal dagan.)
(Bárra máhtta lonohallat suorbmasiid.)
Dalle cealkkán dudno duohta náittusbárran. Go
dál vádjoleahppi eallimii ja árgabeaivvi dillái de
galgabeahtti muitit dán dudno dáhtu oktavuhtii, dudno
ráhkisvuoda ja gutni goabbat guoibmádet man leahppi
dovddadan dán bottas ja mii lea láiden dudno deikke.
(Teaksta čallon Per Anders Fogelströmas.)
Addi mu dál sávvat dudnuide lihku ja visot buriid
dudno náittusdilis.*

Vihaheapmi oskkolaš searvegotti siste

Vihaheapmi oazžu dušše dahkkot oskkolaš searvegottis mas lea lohpi vihahit ja dakkár báhpas dahje eará virgeolbmos oskkolaš searvegottis guhte Kammarkollegie bokte lea namuhuvvon leat vihaheadji. Miessemánu vuosttaš beaivvi rájis jagis 2009 dát gáibáduš vihaheapmái guoská maiddái Ruota girkui. Seamamá láhkái go eará oskkolaš searvegottiin galgá dasa lassin vihaheadji Ruota girkus sierra namuhuvvot Kammarkollegias. Báhppa Ruota girkus guhte cuoŋománu loahpas jagis 2009 lága jalgii leai gelbbolaš vihahemiide bisuha dan gelbbolašvuoda cuoŋománu lohppii jagis 2010. Maiddái báhpas guhte vihahuvvojit báhppan jagi maŋŋil dan lága fámuidevva leat gelbbolaččat doallat vihahemiid cuoŋománu lohppii jagis 2010, dan sierra namuheami haga.

Vihaheapmi dahkko dan vihahanortnega mielde mas iešgudet oskkolaš searvegottis ležžet.

Li gávdno mangelágán geatnegasvuohta doallat vihaheami oskkolaš searvegottis dahje sus geas lea gelbbolašvuohta doallat vihaheamiid. Dát buktá mielddis ahte vihaheapmi man bárra háliida čadahit makkár nu oskkolaš searvegottis ii sáhte dollojuvvot doppe, dan vaikko bárra deavdiba náittuslága gáibádušaid. Máhtta ovdamearkka dihte leat dakkár dilis gos oskkolaš oaidnu oskkolaš searvegottis dahje vihaheadjis cagget vihaheami danin go náittusbáras ii leat seamma osko dahje danin go nubbi náittusbáras lea earránan.

Eanet dieđut

Loga eanet odđa njuolggadusaid duogáža birra ráđđehusa evttohusas Äktenskapsfrågor 2008/09:80 ráđđehusa webbáikkis: www.regeringen.se ja Sivillávdegotti árvalus 2008/09:CU19 ráđđehusa webbáikkis: www.riksdagen.se.

Loga eanet vihahemiid ja heajaid birra ráđđehusa webbáikkis: www.regeringen.se/aktenskap.

Loga eanet borgalaš vihaheddjiid birra leanastivrra webbáikkis: www.lansstyrelsen.se.

Loga eanet easttageahččalemiid birra, almmuhus partnerdili rievdadusa birra ja olgoriikkalaš vihahemiid birra Vearrodoaimmahaga webbáikkis: www.skatteverket.se.

Dieđut vejolašvuoda birra náitalit sierra oskkolaš searvegotti siste, geahča omd. www.svenskakyrkan.se.



REGERINGSKANSLIET

Justitiedepartementet

10333 Stockholm • tfn växel 08-405 10 00

Lasi diehtulasttaid máhtta rávvet Justitiedepartementtas,
tfn 08-405 10 00 dahje e-poastta: info.order@justice.ministry.se
Ráđđehusa webbáiki: www.regeringen.se
Justitiedepartementta e-poastačujuhus: registrator@justice.ministry.se

Prenten; Grafisk Service, golgotmánu 2010.

Diehtulasta lea buvttaduvvon Justitiedepartementtas. Artikelnr. Ju 09.01